

Жамоат намозига шошилинг!



18:00 / 12.09.2021 3031

بِلَّا أَقْمَلَ سَوْهٌ يَلَعُ هَلَلا يَلَصٌ يَبْنَلَانَعُ ، بُونَعُ هَلَلا يَصَرَّهُ زَرِيْزُه يَبَا نَعْ
وَقُوْسٍ يَفَوْ وَتْيَبٍ يَفِـ وَتَـ الـ صَـ دَلَـعُ فَـعَـ صَـنُـتَـ ظَـعَـ اَمَـجَـلَـا يَـفَـ لَـجَـرَـلَـا هَـالَـصَـ
يَـلَـا يَـلَـخَـ مُـثَـ ، اَـءُـصُـ وَـلَـا يَـسَـحَـ اَـفَـ اَـصَـ وَـتَـ اَـذَـإِـنَـأَـكَـلَـدَـوَـ ، اَـفَـعَـصَـنَـ يَـرَـشَـعَـ وَـأَـسَـمَـخَـ
طَـحَـ وَـهَـجَـرَـدَـ اَـوَـبَـ ، اَـلَـ تَـعَـفَـرَـ اَـلَـا وَـطَـخَـ طَـحَـ يَـمَـلَـ هَـالَـصَـلَـا اَـلَـا مُـجَـرْـخُـيـ اَـلَـ دَـجَـسَـمَـلَـا
يَـفَـ مَـادَـ اَـمَـ هَـيَـلَـعَـ يَـلَـصَـنُـتَـ هَـكَـئَـا لَـمَـلَـا لَـزَـتَـ مَـلَـ يَـلَـصَـ اَـذَـإِـفَـ هَـئَـيَـطَـخَـ اَـوَـبَـ بُـنَـعَـ
يَـفَـ مُـكُـدَـحَـ اُـلَـا زَـيَـ اَـلَـ وَـ هَـمَـحَـرَـا مُـهَـلَـلَـا يَـلَـعَـلَـصَـ مُـهَـلَـلَـا بُـشَـدُـحُـيَـ مَـلَـ اَـمَـ هَـاـلَـصَـمَـ
سُـمَـخَـلَـا اَـوَـرَـ هَـاـلَـصَـلَـا رَـطَـتْـنَـا اَـمَـ هَـاـلَـصَـ.

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам:

«Кишининг жамоат ила ўқиган намози унинг уйидаги ва бозоридаги намозидан йигирма беш баробар кўп бўлади. Бундай бўлишининг сабаби, қачон у яхшилаб таҳорат қилса, сўнгра масжидга чиқса, уни масжидга намоздан бошқа нарса чиқармаган бўлса, босган ҳар бир қадамида, албатта, бир даража кўтарилиб, бир гуноҳ ўчирилади.

Бас, қачон намоз ўқиса, модомики, намозгоҳида турадар экан, агар таҳорати кетмаган бўлса, фаришталар унга саловот айтиб туради. «Аллоҳим, унга

саловот юборгин. Аллоҳим, унга раҳм қилгин», дейдилар. Бирортангиз, модомики намозга интизор бўлар экан, намоздадир», дедилар».

Бешовлари ривоят қилганлар.

Шарҳ: Ушбу ҳадиси шарифда жамоат намозининг фазилати очик-ойдин зикр қилинмоқда. Жамоат намози нима учун фазилат бўлиши ҳам баён қилинмоқда.

Жамоат билан намоз ўқиган одам ёлғиз ўзи намоз ўқиган одамга қараганда йигирма беш марта кўп савобга эга бўлар экан.

Бундай бўлишининг сабаби:

1. Жамоат намози ўқиган одам яхшилаб таҳорат қилиб, масжидга чиқади. Унинг нияти соф бўлади. Масжидга борар экан, жамоат билан намоз ўқишдан бошқа мақсадни кўзламайди. Шунинг учун босган ҳар қадамида мартабаси бир даража кўтарилиб, бир гуноҳи ўчирилади.
2. Жамоат билан намозни ўқиб бўлиб, таҳоратини кетказмай, намозгоҳида турса, фаришталар унга саловот айтадилар. Бу намозни ёлғиз ўзи уйида ўқиса, бундай бўлмас эди.
3. Жамоат намозини ўқиб бўлиб, кейинги намозга интизор бўлса, худди намоз ўқиётган одамнинг савобини олади. Ёлғиз намоз ўқиган одам бундай мақомга эриша олмас эди.

Демак, намозни жамоат билан ўқишининг ўзиёқ киши оладиган савобларнинг ўз-ўзидан кўпайиб кетишига сабаб бўлар экан.

Шунинг учун жамоат намозидан қолмаслик керак, у ҳаётимиздан муносиб ўрин олмоғи лозим.

«Ҳадис ва ҳаёт» китоби асосида тайёрланди